



XUNTA DE GALICIA

AUGAS DE GALICIA. ZONA HIDROGRÁFICA GALICIA NORTE

Anuncio

SERVIZO TERRITORIAL DE AUGAS DE GALICIA

INFORMACIÓN PÚBLICA

Diego Pernas Lamelas solicita de Augas de Galicia por atoparsenasmarxes do río da Rega, a autorización de obras, na parcela de referencia catastral 27067A026004680000XU, no lugar Pilaregas, parroquia de Covas (San Xoán), no concello de Viveiro, Lugo. O presente anuncio ten por obxecto abrir a regulamentaria información pública que prescribe o art. 52 do Regulamento do dominio público hidráulico. Expediente: DH.W27.93732.

As obras solicitadas consisten na construción dun muro de escollera para contención de terras.

O que se fai público para xeral coñecemento, por un prazo de **vinete (20) días** a partir do seguinte á data de publicación no Boletín Oficial da Provincia, co fin de que os que se sintan prexudicados poidan presentar as súas reclamacións, durante o prazo sinalado, no Concello de Viveiro ou nas oficinas deste servizo, situadas na R/ Vicente Ferrer 2, 9º andar, onde estará exposto o expediente de que se trata, para que poida ser examinado por quen o desexe.

A Coruña, 26 e outubro do 2023.- A/o xefa/e do Servizo Territorial, Néstor Rodríguez Arias.

R. 3358

CONCELLOS

ALFOZ

Anuncio

CORRECCIÓN DE ERROS

Apreciado erro nas puntuacións da base décima da Resolución da Alcaldía 721/2023, de data 5 de outubro de 2023, pola que se presta aprobación, entre outras, ás bases do PROCESO DE SELECCIÓN DE FUNCIONARIO/A INTERINO/A (E FORMACIÓN DE LISTAXE), COA CATEGORÍA DE XEFA DE UNIDADE DE SERVIZOS SOCIAIS, AREA FUNCIONAL DE SERVIZOS SOCIAIS, IGUALDADE E BENESTAR, UNIDADE DE SERVIZOS SOCIAIS, POR CONCURSO-OPOSICIÓN LIBRE, por medio da presente se efectúa publicación do acordo de corrección de erros de data 27 de outubro de 2023, polo que a base décima da citada resolución queda como segue:

“DÉCIMA.- FASE CONCURSO.

Esta fase non terá carácter eliminatorio e consistirá na avaliación por parte do Tribunal dos méritos que concorran en cada un dos/das aspirantes que tiveran superada a fase de oposición, referidos á data de finalización do prazo de presentación de solicitudes e relacionados polos aspirantes na súa solicitude e debidamente acreditados.

En ningún caso a puntuación da fase de concurso poderá aplicarse para superar o exercicio da fase de oposición, que é obrigatorio e de carácter eliminatorio.

A consideración deses méritos estará orientada a valorar a idoneidade da carreira profesional desenvolvida polas persoas candidatas para cumprir coas funcións propias e as características da praza convocada.

Con este obxecto mediranse tanto as capacidades que demostra a experiencia acumulada en postos de traballo da Administración Pública como as aptitudes derivadas da súa formación especializada.

O Tribunal terá en conta a coherencia da documentación presentada con respecto aos méritos que se deben valorar.

Valorarase ata un máximo de 8,50 puntos, segundo o seguinte baremo:

A) Experiencia na Administración Pública (máximo 6 puntos).

a) Experiencia profesional:

a.1 Servizos prestados como persoal funcionario interino, persoal laboral temporal ou indefinido non fixo na escala, subescala, clase e praza obxecto desta convocatoria específica en municipios : 0,30 puntos por mes completo de servizos efectivos.

a.2 Servizos prestados como persoal funcionario interino, persoal laboral temporal ou indefinido non fixo na escala, subescala, clase e praza obxecto desta convocatoria específica noutras administracións públicas locais: 0,20 puntos por mes completo de servizos efectivos.

Os servizos prestados acreditaranse mediante certificado expedido polo órgano correspondente. O certificado deberá facer constar os servizos prestados que se pretendan facer valer como experiencia profesional na fase de concurso, e deberá así mesmo acompañarse de certificación da vida laboral, expedido pola Tesourería Xeral da Seguridade Social, na que consten expresamente os períodos e grupo de cotización correspondentes a esa categoría.

Concederase máis mérito ao maior tempo traballado, en exercicio das facultades propias da súa especialidade, sen valorarse a docencia.

Na prestación de servizos a tempo parcial, debido ás condicións da praza ou por redución de xornada, ratearase a puntuación de forma proporcionada ao total de horas de traballo da xornada oficial, tomando como tal as 37,5 horas semanais.

Non se computarán servizos prestados por tempo inferior a un mes, e os meses consideraranse de 30 días.

B) Formación. (máximo 2,5 puntos).

B.1 Cursos de formación. (Puntuación máxima 2,00 puntos).

Só se avaliarán os cursos impartidos ou recibidos das Administracións Públicas, ou de Colexios profesionais e outras entidades sempre que estean homologados pola Administración, debidamente acreditados mediante o título ou certificación oficial correspondente, cuxo contido estea relacionado co exercicio das funcións propias da praza obxecto desta convocatoria.

Non se valorará a asistencia a asembleas, xornadas, congresos, conferencias, seminarios, as materias que formen parte dunha titulación académica, os módulos ou partes integrantes dun curso, simposios ou similares, nin os cursos nos que non quede acreditada a súa duración en horas.

Os méritos por cursos de formación e especialización realizados acreditaranse mediante a presentación do correspondente diploma ou título. No caso de que se presenten varios diplomas/títulos con idéntica denominación puntuarase o curso de maior duración, no caso de que a duración sexa a mesma, valorarase o curso que se realizase na data máis próxima á data de finalización do prazo de presentación de instancias

Os cursos de formación acreditados valoraranse ata un máximo de 2,00 puntos, aplicando o seguinte baremo:

- Cursos de máis de 100 horas: 1,00 puntos por curso
- Cursos de máis de 70 a 100 horas: 0,75 puntos por curso
- Cursos de máis de 40 a 70 horas: 0,50 puntos por curso
- Cursos de 15 a 40 horas: 0,25 puntos por curso
- Cursos de menos de 15 horas: 0,10 puntos por curso.

B.2. Carné de conducir. (Puntuación 0,5 puntos).

Por estar en posesión do carné de conducir B en vigor, se asignará 0,50 puntos.”

Alfoz, 30 de outubro de 2023.- A Alcaldesa-Presidenta, Efigenia Maseda Paz.

R. 3376

O INCIO

Anuncio

APROBACIÓN DEFINITIVA ORDENANZA FISCAL REGULADORA DO IMPOSTO SOBRE CONSTRUCIÓNS, INSTALACIÓNS E OBRAS

O Pleno da Corporación, na sesión ordinaria do 25/08/2023 adoptou, entre outros, o acordo de aprobación provisional da nova Ordenanza fiscal reguladora do Imposto de Construcións, Instalacións e Obras do Concello do Incio.

Transcorrido o prazo do preceptivo trámite de información pública sen que se teñan presentado alegacións, en virtude do establecido nos arts. 15 e seguintes do Real Decreto Lexislativo 2/2004, do 5 de marzo, polo que se aproba o Texto refundido da Lei reguladora das Facendas Locais, procédese a elevar o devandito acordo provisional a definitivo, publicando o texto íntegro da ordenanza.

ORDENANZA FISCAL REGULADORA DO IMPOSTO SOBRE CONSTRUCIÓN, INSTALACIÓN E OBRAS

Artigo 1º.- Fundamento e natureza.

De conformidade co establecido no art. 106 da Lei 7/1985, de 2 de abril e arts. 2.1.b, 15 a 19, 59.2 e 100 a 103 do Real Decreto Lexislativo 2/2004, de 5 de marzo, establécese o Imposto sobre construcións, instalacións e obras no Municipio do Incio.

Artigo 2º.- Feito imponible.

Constitúe o feito imponible deste tributo indirecto a realización, dentro do termo municipal, de calquera construción, instalación e obra para a que se esixa obtención da correspondente licenza de obras ou urbanística, téñase obtido ou non a dita licenza ou para a que se esixa presentación de comunicación previa, sempre que a súa expedición corresponda ao Concello do Incio.

Artigo 3º.- Obriga de contribuír.

A obriga de contribuír nace desde o momento en que se inicie a construción, instalación ou obra, aínda que non se teña obtido a correspondente licenza.

Artigo 4º.- Suxeitos pasivos.

1.- Son suxeitos pasivos e obrigados ao pago do imposto, a título de contribuíntes, as persoas físicas, persoas xurídicas ou entidades do art. 35.4 da Lei Xeral Tributaria, que sexan donos da construción, instalación ou obra, sexan ou non propietarios do inmovible sobre o que se realice aquela.

Aos efectos previstos no parágrafo anterior terá a consideración de dono da construción, instalación ou obra quen soporte os gastos ou o custo que comporte a súa realización.

2.- Terá a condición de suxeito pasivo substituto do contribuínte quen solicite a correspondente licenza ou realice as construcións, instalacións ou obras.

Artigo 5º.- Base imponible.

A base imponible do imposto está constituída polo custo real e efectivo da construción, instalación ou obra, entendéndose por tal, a estes efectos, o custe de execución material de aquela. Será determinada de acordo co custo estimado das obras, que non poderán ser inferior ao calculando aplicando os criterios e valoracións contidas no anexo á presente ordenanza.

Non forman parte da base imponible os conceptos a que se refire o art. 102 parágrafo segundo do R.D. Lexislativo 2/2004, de 5 de marzo (BOE nº 59, de 09/03/04), que non integren, estritamente, o custo de execución material.

Artigo 6º.- Cota tributaria.

A cota do imposto será o resultado de aplicar á base imponible o tipo de gravame e, en todo caso non poderá ser inferior a 50,00 euros.

O tipo de gravame será o 2,50%.

Artigo 7º.- Xestión tributaria do imposto.

1.- Para as obras menores:

A existencia do imposto realizarase en réxime de autoliquidación. O suxeito pasivo no momento de presentar a correspondente solicitude de obra, deberá acreditar o ingreso do importe total declarado da débeda tributaria, a conta da liquidación definitiva que corresponda.

O Concello, no momento de concederse a preceptiva licenza, practicará unha liquidación complementaria, tendo en conta, no seu caso, o valor da obra determinado polo técnico municipal.

Finalizada a construción, instalación u obra, e tendo en conta o seu custe real e efectivo, o Concello, mediante a oportuna comprobación administrativa, modificará, no seu caso, a base imponible, practicando a correspondente liquidación definitiva, e esixindo do suxeito pasivo ou reintegrándolle, se procede, a cantidade que corresponda.

2.- Para as obras maiores:

A administración municipal realizará unha liquidación provisional no momento de conceder a licenza, que se abonará ao tempo de expedirse esta, sen prexuízo da posterior liquidación definitiva.

Finalizada a construción, instalación ou obra, e tendo en conta o seu custo real e efectivo, o Concello, mediante a oportuna comprobación administrativa, modificará, no seu caso, a base impositiva, practicando a correspondente liquidación definitiva, e esixindo do suxeito pasivo ou reintegrándolle, se procede, a cantidade que corresponda.

Artigo 8º.- Bonificacións.

Establécense as seguintes bonificacións sobre a cota do imposto:

1.- Decláranse de especial interese municipal, cunha bonificación do 95% sobre a cota do imposto, por concorrer circunstancias sociais, culturais ou de fomento do emprego a execución das seguintes obras:

- As promovidas polos titulares dos Montes Veciñais en Man Común que supoñan melloras nos aproveitamentos do monte, consistentes en plantacións ou pasteiros, captacións de auga, zonas de recreo, vías de acceso ou cerramentos de aqueles.

- As obras de nova construción ou de reforma de primeira residencia promovidas por menores de 35 anos sempre que o suxeito pasivo do imposto teña no momento do outorgamento da licenza empadroamento no Concello do Incio e a manutención, alomenos, durante un prazo ininterrompido de catro anos. O incumprimento deste último requisito dará lugar á perda da bonificación concedida e á esixencia do abono do importe do imposto que en cada caso corresponda.

2.- Unha bonificación do 90% sobre a cota do imposto, a favor das construcións, instalacións ou obras que favorezan as condicións de acceso e habitabilidade dos discapacitados. Esta bonificación aplicarase de forma exclusiva sobre o importe da cota que resulte de multiplicar o presuposto de execución material das obras especificamente destinadas á eliminación de barreiras arquitectónicas polo tipo impositivo.

Sendo a bonificación de carácter rogado, a solicitude de bonificación poderá presentarse ata a data de notificación da liquidación provisional, caducando o dereito á bonificación no caso de presentación da mesma fora do prazo establecido.

3.- Bonificación ás actividades económicas que xeren emprego.

3.1.- Gozarán dunha bonificación na porcentaxe que se indicará no punto 3.3, da cota íntegra do imposto, aqueles inmobles urbanos nos que se desenvolvan actividades económicas que sexan declaradas de especial interese ou utilidade municipal por concorrer circunstancias de fomento do emprego, que xustifiquen tal declaración. Corresponderá dita declaración á Xunta de Goberno Local en canto que competencia delegada do Pleno.

3.2.- Dita bonificación será de aplicación unicamente a aqueles supostos de implantación dunha nova actividade económica ou empresarial, así como aqueles outros que consistan nunha ampliación das instalacións sempre e cando impliquen creación de emprego.

3.3.- As porcentaxes a que se refire o punto 1, son as seguintes:

PORCENTAXE	CONDICIÓN
95%	Pola creación de máis de 20 postos de traballo
75%	Pola creación de máis de 20 postos de traballo
50%	Pola creación de máis de 20 postos de traballo

3.4.- Os postos de traballo creados deberán manterse polo menos durante tres exercicios.

3.5.- A bonificación terá carácter rogado, debendo ser presentada a correspondente solicitude polo suxeito pasivo.

3.6.- Para a súa aprobación, os interesados deberán presentar a seguinte documentación:

- Certificado de facenda no que conste a situación censal do titular da actividade, que pode coincidir ou non co suxeito pasivo.

- Acreditación da titularidade catastral do inmovible.

- Certificación acreditativa de que o suxeito pasivo non ten débedas coa facenda estatal, coa facenda autonómica nin coa Seguridade Social.

- Licenza ou comunicación da actividade correspondente.

3.7.- Previamente á súa aprobación, o Concello realizará de oficio as actuacións precisas para a comprobación dos extremos expostos ao respecto da bonificación solicitada.

3.8.- Os obrigados tributarios deberán comunicar ao Concello calquera modificación relevante das condicións ou requisitos esixibles para a aplicación deste beneficio fiscal. Polo Concello poderá declararse, previa audiencia do obrigado tributario por un prazo de dez días, (contados a partir do seguinte ao da recepción da notificación da apertura de dito prazo) se procede ou non a continuación da aplicación do beneficio fiscal. De igual xeito se procederá cando a administración coñeza por calquera outro medio, a modificación das condicións ou os requisitos para a aplicación do beneficio fiscal.

As bonificacións previstas neste artigo non son aplicables simultaneamente.

As peticións de bonificación da cota do Imposto sobre Construcións, Instalacións e Obras resolveranse polo Alcalde ou Xunta de Goberno Local ao outorgar a licenza correspondente.

Artigo 9º.- Infraccións e sancións.

En todo o relativo á cualificación de infraccións tributarias e sancións, estarase ao que dispón o Título IV da Lei Xeral Tributaria e demais normas tributarias de aplicación.

DISPOSICIÓN DEROGATORIA ÚNICA.

A presente Ordenanza Fiscal derroga expresamente a vixente ata o momento da súa entrada en vigor, en concreto a Ordenanza Fiscal Reguladora do Imposto sobre Construcións, Instalacións e Obras do Concello de O Incio, publicada no B.O.P. de Lugo número 082, de data 13 de abril de 2021.

DISPOSICIÓN TRANSITORIA ÚNICA.

1- As solicitudes de licenzas de obras, comunicacións previas ou declaración responsables rexistradas de entrada no Concello con anterioridade á entrada en vigor da presente ordenanza, rexiranse íntegramente polas disposicións da ordenanza fiscal anterior, salvo aqueles aspectos da presente ordenanza cuxa aplicación aos interesados puidera resultar máis beneficiosa para os mesmos.

2- As licenzas de obras concedidas, comunicación previas ou declaración responsables que foran obxecto da liquidación provisional do imposto no momento da entrada en vigor da presente ordenanza fiscal, rexirase polas disposicións da anterior ordenanza fiscal en todo o relativo á liquidación definitiva do imposto, xestión tributaria e réxime sancionador, salvo aqueles aspectos da presente ordenanza cuxa aplicación aos interesados poida resultar máis beneficiosa para os mesmos.

DISPOSICIÓN FINAL ÚNICA.

A presente ordenanza fiscal, unha vez aprobada definitivamente, entrará en virgor e será de aplicación o mesmo día da súa publicación íntegra no Boletín Oficial da Provincia de Lugo, coas especialidades recollidas na súa disposición transitoria única.

DOCUMENTO ASINADO ELECTRÓNICAMENTE

ANEXO I: MODULOS VALORATIVOS DE OBRAS MAIORES

a) Normas xerais, criterios de valoración .

1- Un traballo considérase incluído no punto que lle corresponde de acordo co destino predominante da superficie, incluíndose as superficies con destinos minoritarios. Só se aplicarán diversos módulos cando cada destino minoritario supere o 25% da superficie total; neste caso valorarase independentemente.

2- A superficie total construída é a suma de cada unha das plantas do edificio, medida dentro dos límites definidos pola liñas de fachada, tanto interiores como exteriores e os eixes de medianteras compartidos, se se dera o caso.

b) Estimación simplificada dos orzamentos de execución material da edificación.

Definicións:

Mbu.- Módulo básico en función do uso da edificación

Sc.- Superficie total construída en m²

Ct.- Módulo de construción ou de referencia

Oemb.- Orzamento de execución material segundo módulos básicos

Oemp.- Orzamento de execución material do proxecto

Establécese un prezo en €/m² para o cálculo do custo de execución material da edificación segundo o uso característico ou predominante na edificación de acordo co establecido na táboa 1 deste anexo.

O módulo básico actualízase anualmente na porcentaxe de variación do índice ponderado de man de obra e consumo de materiais referido ao total da construción do índice de custos do sector da construción publicado

polo Ministerio de Fomento. A Actualización será automática e entrará en vigor ao día seguinte da publicación do índice correspondente ao mes de decembro.

TABOA 1

USOS DA EDIFICACIÓN Mbu	€/m2
Auditorios. Museos. Teatros. Hoteis 5*. Edificios bancarios.	744,00
Hospitais. Laboratorios. Igrexas.	697,00
Bibliotecas. Facultades e escolas universitarias. Hoteis 4*. Edificios penitenciarios. Terminais areas ou fluviaias.	651,00
Clubos sociais. Cines. Centros de saúde. Balnearios. Hoteis 3*. Salas de festas. Discotecas, Colexios con residencia.	604,00
Casas de cultura. Casas consistoriais. Locais bancarios. Consultorios. Residencias 3ª idade e Centros de día. Apartahoteis. Tanatorios. Centros de culto. Cuarteis. Matadoiros.	558,00
Vivenda. Hoteis 2*. Residencias universitarias. Moteis.	511,00
Residencial VPO. Oficinas. Garderías. Centros docentes. Hoteis 1*. Ambulatorios. Hostais-Residencias. Restaurantes. Estacións de autobuses. Salas de exposicións. Piscinas cubertas.	465,00
Bares. Mercados.	418,00
Centros comerciais. Pavillóns deportivos cubertos. Vestiarios, Bungalows. Servizos de camping.	372,00
Edificios de aparcamentos. Local comercial. Establecementos comerciais, industria escaparate.	302,00
Piscinas descubertas. Cemiterios.	232,00
Garaxes e aparcamentos. Estacións de servizo.	186,00
Trasteiros. Pórticos, soportais e terrazas abertas	162,00
Almacéns e naves industriais. Instalación deportivas descubertas. Naves. Granxas. Alpendres, pendellos ou cubertos. Depósitos. Graderios. Panteóns (por nicho).	139,00
Proxectos de urbanización (adsritos á edificación). Parcelas camping.	46,00
Xardíns. Camiños de terra e formigón. Tratamento de espazos exteriores. Acondicionamento de terreos.	23,00
Demolicións e derrubos (aplicada á superficie total de plantas que se van a derrubar).	20,00

Superficie construída por uso: Sc

Un traballo considérase ou non incluído no apartado que lle corresponde de acordo co uso predominante da superficie, no que se inclúen as superficies con destinos minoritarios, tal e como se especifica no apartado a).1 deste anexo.

Coefficientes por tipoloxía construtiva: Ct

Establécese un coeficiente corrector en función do tipo de actuación construtiva, sendo os seguintes:

Ct TIPOLOXÍA CONSTRUTIVA

1.- En edificacións de nova planta e adicións ou ampliacións

1,20 Edificación illada. Vivenda unifamiliar illada. Sotos a partir do 3º

1,10 Agrupación de edificación en ringleira. Sotos 1º e 2º

1,00 Edificio en quinteiro pechado. Edificación aberta en vivenda colectiva

2.- En obras de reforma e rehabilitación

1,20 Rehabilitación total, incluíndo a desmontaxe de fachadas

1,00 Adecuación interior de plantas baixas e entreplantas

1,00 Rehabilitación integral do edificio conservando exclusivamente fachadas

0,65 Reforma interior de instalacións e distribución conservando a estrutura existente

0,50 Reformas de elementos estruturais

0,35 Rehabilitación de fachadas. Substitución de carpinterías e cerramentos (aplicado a superficie de fachada)

0,30 Reformas de pouca entidade que non afecten a elementos estruturais nin a instalacións ou distribución (acabados).

Módulo de construción ou de referencia: Mc

É o valor en €/m² que resulta de aplicar ao módulo básico **Mbu** o coeficiente corrector **Ct** en función da tipoloxía construtiva, segundo a seguinte fórmula:

$$Mc = Mbu \times Ct$$

Nos casos nos que un coeficiente corrector non se axuste á tipoloxía ou ós usos antes definidos, aplicarase a media entre os que máis se asemellan.

Orzamento de execución material segundo módulos básicos: Oemb

O orzamento de execución material segundo módulos básicos obtérase de aplicar á superficie total construída **Sc** o valor de **Mc** obtido conforme ao apartado anterior, segundo a seguinte fórmula:

$$Oemb = Mc \times Sc$$

O **Oemb** obtérase como sumatorio dos resultados parciais do produto de **Mc** x **Sc**, cando concorran as circunstancias específicas no apartado a).1 deste anexo.

Orzamento de execución material de proxecto: Oemp

Considérase como tal o orzamento de execución material que figura no proxecto achegado polo solicitante, como resultado da suma da valoración de todas as unidades ou partidas de obra do proxecto, sen considerar os gastos xerais, beneficio industrial, honorarios profesionais nin I.V.E.

Utilizarase como base impositiva aos efectos do cálculo do ICIO, o **Oemp** sempre que este non resulte inferior ao **Oemb**.

ANEXO II: MÓDULOS VALORATIVOS DE OBRAS MENORES E OUTRAS ACTUACIÓNS

Coste de execución material de unidades de obra

UD 1.- CERRAMENTOS, VALADOS DE FINCAS E ACCESOS	PREZO/UD en €
ml Peche delimitador de postes e arame	12,25
ml Peche de postes, murete e malla ou semellante	18,35
m2 Peche de reixa de forxa, celosía ou semellante	33,63
m2 Peche de bloque de formigón revestido ou semellante	27,40
ml Peche con chantos de lousa	28,62
m3 Peche de cachotería ou sillería	380,00
m3 Muro de contención de cachotería ou formigón en masa	315,50
m3 Muro de contención de formigón armado	340,00
ml Paso salvacunetas mediante entubado de gabia e pavimentación	22,15
ml Rebaixe de bordillo para a acceso de vehículos e vados	14,19
ml Cancela de acceso a parcela metálica, madeira ou semellante	105,30
ud Execución de columna para contador de electricidade/auga	210,00

UD 2.- DEMOLICIÓN E DESMONTAXES	PREZO/UD en €
m2 Picado de azulexados, aplacados, enfoscados ou semellante	7,65
m2 Demolición de pavimentos de baldosas de pedra, cerámica ou semellante	7,21
m2 Demolición de muro de cachotería ou apertura de oco en muro	64,47
m2 Demolición de tabiquería interior ou apertura de oco interior	4,88
m2 Demolición ou desmontaxe de entaboadado de madeira	7,06
m2 Desmontaxe de cubrición de cuberta de lousa, tella, chapa, fibrocemento ou semellante, m2 con pp de canos e baixantes	6,22
m2 Desmontaxe de mobiliario de cociña	18,00
ud Desmontaxe de sanitarios de baño ou aseo	40,00
ud Desmontaxe de instalación eléctrica, fontanería ou saneamento en vivenda	143,30
ud Demolición de cheminea sobre cuberta	48,00
UD 3.- MOVEMENTO DE TERRAS, EXCAVACIÓN E CANALIZACIÓN	PRECIO /UD en €
m3 Desbroce e limpeza de terreo	2,75
m3 Excavación de terras en baleirado	3,25
m3 Excavación ou apertura de gabias ou foxos	4,54
m3 Recheo e compactación de gabias ou foxos	5,32
m3 Recheo estendido e compactación de terras en terrapléns ou explanacións	4,30
ml Canalización soterrada para saneamento, auga, electricidade ou telecomunicacións, sen incluíra excavación e recheo de gabias ou foxos	22,80
ud Arqueta de rexistro para instalacións soterradas, instalada	110,25
UD 4.- CUBERTAS E AZOTEAS (medición en verdadeira magnitude)	PREZO/UD en €
m2 Cubrición de cuberta con lousa, colocada sobre rastreis ou cangos con ganchos de aceiro	32,86
m2 Cubrición de cuberta con tella cerámica, formigón ou semellante, con ganchos ou cravos de aceiro e/ou morteiro.	25,16
m2 Cubrición de cuberta con lousa, incluíndo taboleiro base ou cangos, sobre rastreis ou cangos con ganchos de aceiro	52,36
m2 Cubrición de cuberta con tella cerámica, formigón ou semellante, incluíndo taboleiro base ou cangos, sobre rastreis ou cangos con ganchos de aceiro	48,52
m2 Cubrición de cuberta con chapas de aleación metálica ou semellante	24,75
ml Cano ou baixante de PVC ou aluminio	15,97
ml Cano de chapa de zinc-cobre-titanio	30,12
ml Cano de chapa de aceiro prelacado	26,36
m2 Lucernario ou xanela de cuberta tipo Velux ou semellante	152,25
m2 Impermeabilización de terraza, balcón ou azotea existente con lámina asfáltica ou semellante, incluído illamento térmico	32,21
Ud Formación de cheminea sobre cuberta con fábrica revestida ou semellante, ud elemento de coroación	158,45
UD 5.- ALBANELERÍA E SOLADOS	PREZO/UD en €
m2 Tabique de fábrica de ladrillo	42,60
m2 Tabique de cartón xeso tipo Pladur	38,59
m2 Extradorsado de paredes con placa de xeso laminado	15,86
m2 Cerramento de dobre folia de ladrillo con illamento interior	35,93
m2 Cerramento de fachada con muro de cachotería ou sillería	88,65
m2 Cerramento de muro de fábrica de bloque	24,20
ml Chanzos de fábrica en formación de escaleira	16,07
m3 Soleira de formigón	180,23
m2 Recrecido de pisos con morteiro de cemento	7,60

UD 6.- PAVIMENTOS E REVESTIMENTOS INTERIORES E EXTERIORES	PREZO/UD en €
m2 Pavimento de beirarrúa de baldosa hidráulica ou semellante, incluso parte proporcional de bordo	20,59
m2 Pavimento de gres, terrazo, sintético ou semellante	30,13
m2 Pavimento de madeira	52,30
m2 Pavimento de pedra ou mármore	61,10
m2 Chapado de pedra ou mármore en fachadas	72,14
m2 Panolado de madeira en paramentos verticais	35,51
m2 Azulexado de paramentos interiores	22,67
m2 Revocadura con morteiro monocapa	20,50
m2 Rexuntado con morteiro en fábrica de cachotería	18,55
m2 Enfoscado ou recebo de paramentos verticais ou horizontais	14,60
m2 Limpeza de fachadas por medios manuais ou mecánicos	14,55
m2 Pintura en paramentos exteriores ou interiores	8,67
m2 Falso teito liso de escaiola ou xeso laminado	18,21
m2 Falso teito liso de madeira ou acústico (modular)	31,32

*As carpinterías exteriores e interiores mediranse co oco enteiro 8a zona de vidros incluída)

UD 7.- CARPINTERÍAS EXTERIORES E INTERIORES	PREZO/UD en €
ud Porta de entrada á vivenda de madeira maciza e/ou seguridade	540,00
ud Porta de entrada á vivenda en aluminio lacado ou PVC	383,80
ud Porta interior de madeira ou outro	135,50
m2 Substitución ou colocación de carpintería exterior de madeira en formación de xanelas ou portas abalcoadas.	179,26
m2 Substitución ou colocación de carpintería exterior de aluminio ou PVC en formación de xanelas ou portas abalcoadas.	226,25
m2 Restauración e pintado/vernizado de carpintería exterior de madeira existente	17,05
m2 Acríсталamento de vidro sinxelo en carpintería exterior	31,35
m2 Acríсталamento de vidro dobre en carpintería exterior	68,15
m2 Acríсталamento de vidro templado ou laminado de seguridade	90,95
m2 Persiana de madeira ou PVC	85,20
m2 Rexa metálica de seguridade en protección de portas ou xanelas	92,00
m2 Toldo de tea con brazos abatibles	160,86
m1 Verteaugas de pedra en oco exterior	142,15
m1 Xamba o dintel de pedra	75,80

UD 8.- OBRAS DIRIXIDAS A GARANTIR AS CONDICIÓNS HIXÉNICO SANITARIAS E UD DE HABITABILIDADE	PREZO/UD en €
ud Instalación de fosa séptica con foxo filtrante en vivenda/local (para 6 persoas)	1.150,00
ud Instalación de pozo de auga de barrena ou artesán	1.300,00
ud Renovación de instalación de saneamento en baño/aseo	152,00
ud Renovación de instalación de saneamento en cociña	130,75
ud Renovación de instalación de fontanería en baño/aseo	321,80
ud Renovación de instalación de fontanería en cociña	295,65
ud Substitución de aparatos sanitarios en baño composto por bañeira/ducha, inodoro, bidé e lavabo	691,36
ud Substitución de aparatos sanitarios en aseo composto por inodoro e lavabo	357,60
ud Mellora ou substitución de instalación eléctrica en vivenda/local por cada m2 de superficie útil	22,32
m1 Instalación interior de calefacción en vivenda/local por cada m2 de superficie útil	64,95
m3 Depósito de auga	175,55
ud Conexión coa rede de saneamento	85,00
ud Conexión coa rede de abastecemento de auga	165,00

UD 9.- VARIOS	PREZO/UD en
M2 Instalación de quioscos en vía pública	284,12
m2 Instalación de cartel ou panel publicitario visible dende vía pública	42,60
m2 Colocación de rótulo opaco	339,64
m2 Colocación de rótulo luminoso	414,58
m2 Construción de marquesina	284,12
ud Construción escaleira de madeira, formigón ou metálica entre 2 plantas	568,24
ml Varanda de madeira ou metal en protección de ocos	133,25
ud Instalación de grúa ou guindastre (montaxe/desmontaxe)	825
m2 Instalación térmica solar de produción de auga por m2 de superficie de placas instaladas. Para instalacións de ate 400 m2 de superficie de placas	1.080,00
m2 Instalación térmica solar de produción de auga por m2 de superficie de placas instaladas. Para instalacións de máis de 400 m2 de superficie de placas	624,00

En caso de que unha obra non atope un encadre directo nas distintas tipoloxías aquí establecidas, aplicaráselle a tarifa que máis se aproxime por identidade de razón entre os supostos tipificados neste anexo ou na Base de Datos da Construción de Galicia aprobada polo Instituto Tecnolóxico de Galicia.

O Incio, 26 de outubro de 2023.- Alcalde, Héctor Manuel Corujo González.

R. 3359

Anuncio

O Pleno deste Concello, en sesión ordinaria celebrada o día 27 de outubro de 2023, acordou a aprobación provisional da Modificación da Ordenanza fiscal reguladora do Imposto da Taxa polo subministro de auga do Concello de O Incio.

E en cumprimento do disposto no artigo 17 do Texto Refundido da Lei Reguladora das Facendas Locais, aprobado por Real Decreto Lexislativo 2/2004, de 5 de marzo, e no artigo 49.b) da Lei 7/1985, do 2 de abril, Reguladora das Bases do Réxime Local, sométese o expediente a información pública polo prazo de TRINTA (30) DÍAS HÁBILES a contar desde o día seguinte á inserción deste anuncio no Boletín Oficial da Provincia de Lugo, para que os interesados poidan examinar o expediente e presentar as reclamacións que estimen oportunas.

Considerarase definitivamente adoptado o acordo no caso de que non se presentasen reclamacións ao expediente no prazo anteriormente indicado.

O Incio, 27 de outubro de 2023.- O Alcalde, D. Héctor M. Corujo González.

R. 3360

Anuncio

O Pleno deste Concello, en sesión ordinaria celebrada o día 27 de outubro de 2023, acordou a aprobación provisional da Modificación da Ordenanza fiscal reguladora do Imposto da Taxa por recollida de lixo do Concello de O Incio.

E en cumprimento do disposto no artigo 17 do Texto Refundido da Lei Reguladora das Facendas Locais, aprobado por Real Decreto Lexislativo 2/2004, de 5 de marzo, e no artigo 49.b) da Lei 7/1985, do 2 de abril, Reguladora das Bases do Réxime Local, sométese o expediente a información pública polo prazo de TRINTA (30) DÍAS HÁBILES a contar desde o día seguinte á inserción deste anuncio no Boletín Oficial da Provincia de Lugo, para que os interesados poidan examinar o expediente e presentar as reclamacións que estimen oportunas.

Considerarase definitivamente adoptado o acordo no caso de que non se presentasen reclamacións ao expediente no prazo anteriormente indicado.

O Incio, 27 de outubro de 2023.- O Alcalde, D. Héctor M. Corujo González.

R. 3361

Anuncio

O Pleno deste Concello, en sesión ordinaria celebrada o día 27 de outubro de 2023, acordou a aprobación provisional da nova Ordenanza fiscal n.º 16 reguladora da Taxa de saneamento e rede de sumidoiros do Concello de O Incio.

E en cumprimento do disposto no artigo 17 do Texto Refundido da Lei Reguladora das Facendas Locais, aprobado por Real Decreto Legislativo 2/2004, de 5 de marzo, e no artigo 49.b) da Lei 7/1985, do 2 de abril, Reguladora das Bases do Réxime Local, sométese o expediente a información pública polo prazo de TRINTA (30) DÍAS HÁBILES a contar desde o día seguinte á inserción deste anuncio no Boletín Oficial da Provincia de Lugo, para que os interesados poidan examinar o expediente e presentar as reclamacións que estimen oportunas.

Considerarase definitivamente adoptado o acordo no caso de que non se presentasen reclamacións ao expediente no prazo anteriormente indicado.

O Incio, 27 de outubro de 2023.- O Alcalde, D. Héctor M. Corujo González.

R. 3362

SOBER

Anuncio

Por Resolución de Alcaldía de 27 de outubro de 2023, aprobouse o Padrón fiscal do Servizo de Axuda no Fogar na modalidade de libre concorrencia e de dependencia correspondente ao mes de setembro de 2023.

Por medio do presente exponse ao público o devandito padrón polo prazo de 15 días hábiles, que empezará a contarse dende o día seguinte ao da publicación deste anuncio no Boletín Oficial da Provincia, para que poidan formularse as reclamacións que se consideren pertinentes, tanto en vía administrativa (artigos 123 e 124 da LPAC), coma na vía contenciosa (artigos 19, 25 e 46 da LJCA) O que se fai público para xeral coñecemento e aos efectos de que sirva de notificación colectiva de conformidade co establecido na Lei 58/2003, de 17 de decembro, Xeral Tributaria.

Sober, 27 de outubro de 2023.- O Alcalde, Luis Fernández Guitián.

R. 3363

O VICEDO

Anuncio

A Xunta de Goberno Local, na sesión extraordinaria celebrada o día 18 de outubro de 2023 prestou aprobación ás bases reguladoras para a convocatoria de axudas de transporte ó alumnado do Concello do Vicedo que realiza estudos fóra do termo municipal (curso 2022-2023). De conformidade co establecido no artigo 9 da ordenanza xeral reguladora da concesión de subvencións do Concello do Vicedo, procédese á súa integra publicación no BOP de Lugo.

“Bases reguladoras para a convocatoria de axudas de transporte ó alumnado do Concello do Vicedo que realiza estudos fóra do termo municipal (curso académico 2022-2023).-

1. OBXECTO E FINALIDADE DAS AXUDAS.

Convocatoria de concesión de axudas económicas individuais destinadas a sufragar os gastos de desprazamento daqueles alumnos/as do Concello que estudan fóra do termo municipal durante o curso 2022 - 2023.

2. BENEFICIARIOS/AS

Poderán ser beneficiarios/as destas axudas aqueles xoves do Concello do Vicedo que estean cursando Bacharelato ou algunha modalidade de ciclos formativos de grado medio ou superior, graos universitarios, os dous últimos anos de conservatorio no seu grado profesional, (incompatible coa matrícula en calquera modalidade de bacharelato), e todas aquelas especialidades pertencentes ás ensinanzas artísticas superiores segundo establece a resolución do 23 de decembro de 2021, másteres, teses ou doutorados universitarios, exceptuando os realizados na modalidade de formación a distancia ou on-line.

3. REQUISITOS

Serán requisitos necesarios para a concesión das axudas:

1) Estar empadroado e residir no Concello do Vicedo, o beneficiario, o seu pai ou nai, e, no seu caso, o seu titor, con seis meses de anterioridade á data de solicitude.

2) Figurar matriculado no curso académico 2022 - 2023 en centros de ensinanza financiados con fondos públicos nos que se cursen os estudos relacionados na base 2.

3) Tendo en conta que desde 2021 todos os menores de 21 anos poden utilizar a tarxeta nova da Xunta de Galicia, que sufraga os gastos xerados polo transporte público durante o curso escolar, o alumnado de BAC E FP que dispoña de autobús coincidente cos horarios lectivos dos centros educativos nos que estiveran matriculados no curso 2022-2023 non terán dereito a estas axudas do concello de O Vicedo.

O alumnado de BAC E FP menor de 21 anos que acrediten a incompatibilidade do horario lectivo co horario de transporte público, terán dereito á axuda, así como aqueles queestean matriculados en centros fóra da Comunidade Autónoma de Galicia.

4) O resto de alumnado menor de 21 anos reflectido no punto 2 que se encontren matriculados nas Facultades da Coruña, Santiago e Lugo, aboaráselles o desprazamento hasta o lugar onde teñen dispoñible o enlace co transporte público que os leva a estas cidades.

O resto de alumnado menor de 21 anos reflectido no punto 2 que acrediten incompatibilidade de horario lectivo co horario de transporte público, terán dereito á axuda, así como aqueles que estean matriculados fóra da Comunidade Autónoma de Galicia.

5) Aqueles estudantes que cumprisen os 21 anos e se viran excluídos durante o curso 2022-2023 do ámbito da "tarxeta xente nova", concederáselle a parte proporcional da axuda polos meses do curso que se viran excluídos (considerase que o curso vai dende setembro a xullo).

4. TIPO DE AXUDAS

Os xoves que cumpran os requisitos anteriormente mencionados serán beneficiarios/as dunha axuda económica de pagamento único, sendo esa cantidade idéntica para cada beneficiario/a, segundo quilometraxe no que estea incluído. A cantidade concedida será aprobada posteriormente en Xunta de Goberno Local con arranxo ós seguintes criterios:

- De 1 qm. a 15 qm.....	120 euros
- De 16 qm. a 50 qm.....	150 euros
- De 51 qm. a 100 qm.....	200 euros
- De 101 qm. a 150 qm	250 euros
- De 151 qm. a 200 qm.....	300 euros
- De máis de 201 qm.....	350 euros

As axudas financiaranse con cargo á partida 326.479 do presuposto municipal aprobado para o ano 2023.

5. SOLICITUDES, DOCUMENTACIÓN E XUSTIFICACIÓN DA AXUDA.

As solicitudes formularanse mediante instancia subscrita polo/a interesado/a segundo o modelo oficial que será distribuído ós interesados que así o desexen no rexistro xeral do Concello do Vicedo.

As solicitudes e demais documentación correspondente serán presentadas no rexistro xeral de entrada do Concello do Vicedo, dentro do prazo indicado, aportando a seguinte documentación:

- 1) Solicitude debidamente cumprimentada e asinada polo interesado (se é menor de idade, polo seu pai, nai ou titor)
- 2) Fotocopia do DNI do/a solicitante, debidamente cotexada coa súa orixinal.
- 3) Certificación bancaria da conta corrente do interesado, no seu caso.
- 4) Para os menores de 21 anos, se é o caso, declaración xurada de incompatibilidade de horario do transporte co centro de estudos.

Xustificación para o cobro da axuda.-

A documentación a aportar será a seguinte:

1.- Para as/os alumnas/os universitarios:

- 1) Fotocopia de matrícula cotexada co seu orixinal.
- 2) Extracto do expediente universitario ou certificación do centro académico de terse presentado alo menos ó 50% das materias correspondentes á matrícula no curso 2022/2023.

2.- Para as/os alumnas/os de bacharelato ou formación profesional.

- 1) Fotocopia cotexada do boletín de cualificacións ou certificación académica expedida polo centro ou certificación do centro de terse presentado alo menos ó 50% das materias correspondentes á matrícula no curso 2022/2023.

6. LUGAR E PRAZO DE PRESENTACIÓN DE SOLICITUDES E XUSTIFICACIÓN DA AXUDA.

As solicitudes e a documentación requirida presentaranse no rexistro xeral do Concello do Vicedo.

O prazo de presentación de solicitudes e demais documentación xustificativa da axuda é de 30 días naturais, que se computarán a partir do día seguinte ó da publicación das bases desta convocatoria no Boletín Oficial da Provincia de Lugo.

7. PUBLICIDADE.

A presente convocatoria de axudas publicarase no Boletín oficial da Provincia e no taboleiro de anuncios do Concello do Vicedo.

8. INSTRUCCIÓN E ÓRGANO INSTRUTOR.

O órgano competente para a instrución do procedemento, así como para a realización de cantas actuacións estime necesarias para a determinación, coñecemento e comprobación dos datos en virtude dos que deberá pronunciarse a proposta de resolución, será a Concelleira Delegada de educación. O órgano instrutor, á vista do expediente e do informe da Comisión Avaliadora, formulará a proposta de resolución provisional, na que expresará o cumprimento dos requisitos e a relación nominal dos/as solicitantes para a concesión das axudas.

Se na instrución fosen tidos en conta outros feitos ou datos distintos dos achegados polos/as interesados/as, notificaráselle a estes a proposta de resolución, concedéndolles un prazo de dez días para que presenten as alegacións que estimen pertinentes. Á vista das alegacións presentadas, o órgano instrutor formulará a proposta de resolución definitiva.

De non presentarse alegacións, ou no caso de que este trámite non fose necesario con arranxo ó parágrafo anterior, a proposta de resolución provisional terá automaticamente o carácter de proposta de resolución definitiva.

9. COMISIÓN AVALIADORA

A Comisión Avaliadora estará composta polo Alcalde - Presidente da Corporación municipal, como Presidente, como Vogais, a Traballadora Social, a Concelleira delegada de asuntos sociais e o Encargado da Casa de Cultura, actuando como Secretario, o Secretario - Interventor da Corporación.

A Comisión Avaliadora elevará a proposta de concesión das axudas á Xunta de Goberno Local a través do órgano instrutor na que se concretará individualmente para cada beneficiario/a o resultado da avaliación realizada.

10. RESOLUCIÓN

O órgano competente para a concesión das axudas será a Xunta de Goberno Local, previo informe da Intervención municipal. O acordo de concesión ou denegación será motivado, quedando constancia no expediente dos fundamentos da resolución que se adopte. As axudas concedidas notificaranse individualmente e publicaranse no Taboleiro de Anuncios do Concello do Vicedo. A modificación de calquera das circunstancias que se tiveran en conta para a concesión das axudas, que deberá ser posta en coñecemento do Concello, poderá dar lugar á modificación da resolución."

O Vicedo, 27 de outubro de 2023.- O Alcalde, José Jesús Novo Martínez.

R. 3364

MINISTERIO PARA A TRANSICIÓN ECOLÓXICA E O RETO DEMOGRÁFICO

CONFEDERACIÓN HIDROGRÁFICA DO CANTÁBRICO

Anuncio

INFORMACIÓN PÚBLICA

Expediente número: **A/27/24128**

Asunto: Solicitud de concesión de un aprovechamiento de aguas

Peticionario: Lisardo Amigo Rodríguez

Nombre del río o corriente: Río Noceda

Caudal solicitado: 0,072 l/seg.

Punto de emplazamiento: Noceda

Término municipal y Provincia: Cervantes (Lugo)

Destino: Riego de la parcela 15 del polígono 93, seis días a la semana.

BREVE DESCRIPCION DE LAS OBRAS:

Retención de piedras y troncos y canal de derivación, conducción y distribución de aguas por la parcela a regar.

Lo que se hace público para general conocimiento por un plazo de TREINTA DÍAS, contado a partir del siguiente a la fecha de publicación del presente anuncio en el Boletín Oficial de la Provincia, a fin de que los que se consideren perjudicados con lo solicitado, puedan presentar sus reclamaciones, durante el indicado plazo, en el **Ayuntamiento de Cervantes**, o en la Confederación Hidrográfica del Cantábrico (Comisaría de Aguas, Plaza de España nº 2, -33071-OVIEDO), donde estará de manifiesto el expediente.

Oviedo, 9 de octubre de 2023.- EL TITULADO SUPERIOR DE GESTIÓN Y SERVICIOS COMUNES, Pedro Granda Rodríguez

R. 3340

*Anuncio***INFORMACIÓN PÚBLICA**

Expediente número: **A/27/24124**

Asunto: Solicitud de concesión de un aprovechamiento de aguas

Peticionario: José Manuel Rodríguez Valcarce

Nombre del río o corriente: Arroyo de Vilavella

Caudal solicitado: 0,087 l/seg.

Punto de emplazamiento: Vilanova do Pedregal, Noceda

Término municipal y Provincia: Cervantes (Lugo)

Destino: Riego 1 día a la semana

BREVE DESCRIPCION DE LAS OBRAS:

Retención de piedras y troncos y canal de derivación con el que se conducirá el agua a las parcelas a regar.

Lo que se hace público para general conocimiento por un plazo de TREINTA DÍAS, contado a partir del siguiente a la fecha de publicación del presente anuncio en el Boletín Oficial de la Provincia, a fin de que los que se consideren perjudicados con lo solicitado, puedan presentar sus reclamaciones, durante el indicado plazo, en el **Ayuntamiento de Cervantes**, o en la Confederación Hidrográfica del Cantábrico (Comisaría de Aguas, Plaza de España nº 2, -33071-OVIEDO), donde estará de manifiesto el expediente.

Oviedo, 9 de octubre de 2023.- EL TITULADO SUPERIOR DE GESTIÓN Y SERVICIOS COMUNES, Pedro Granda Rodríguez

R. 3339

*Anuncio***INFORMACIÓN PÚBLICA**

Expediente número: **A/27/24125**

Asunto: Solicitud de concesión de un aprovechamiento de aguas

Peticionario: Alfredo Gómez Gómez

Nombre del río o corriente: Río Noceda

Caudal solicitado: 0,033 l/seg.

Punto de emplazamiento: Noceda

Término municipal y Provincia: Cervantes (Lugo)

Destino: Riego tres días a la semana

BREVE DESCRIPCION DE LAS OBRAS:

Retención mediante piedras y troncos y canal de derivación con el que se conducirá el agua a la parcela a regar.

Lo que se hace público para general conocimiento por un plazo de TREINTA DÍAS, contado a partir del siguiente a la fecha de publicación del presente anuncio en el Boletín Oficial de la Provincia, a fin de que los que se consideren perjudicados con lo solicitado, puedan presentar sus reclamaciones, durante el indicado plazo, en el **Ayuntamiento de Cervantes**, o en la Confederación Hidrográfica del Cantábrico (Comisaría de Aguas, Plaza de España nº 2, -33071-OVIEDO), donde estará de manifiesto el expediente.

Oviedo, 9 de octubre de 2023.- EL TITULADO SUPERIOR DE GESTIÓN Y SERVICIOS COMUNES, Pedro Granda Rodríguez

R. 3332

Anuncio

INFORMACIÓN PÚBLICA

Expediente número: **A/27/24123**

Asunto: Solicitud de concesión de un aprovechamiento de aguas

Peticionario: Ignacio Valcárcel Valcárcel

Nombre del río o corriente: Río Noceda

Caudal solicitado: 0,077 l/seg.

Punto de emplazamiento: Noceda

Término municipal y Provincia: Cervantes (Lugo)

Destino: Riego tres días a la semana.

BREVE DESCRIPCIÓN DE LAS OBRAS:

Retención de agua de piedras y troncos y canal de derivación con el que se conducirán las aguas a las parcelas a regar.

Lo que se hace público para general conocimiento por un plazo de TREINTA DÍAS, contado a partir del siguiente a la fecha de publicación del presente anuncio en el Boletín Oficial de la Provincia, a fin de que los que se consideren perjudicados con lo solicitado, puedan presentar sus reclamaciones, durante el indicado plazo, en el **Ayuntamiento de Cervantes**, o en la Confederación Hidrográfica del Cantábrico (Comisaría de Aguas, Plaza de España nº 2, -33071-OVIEDO), donde estará de manifiesto el expediente.

Oviedo, 9 de octubre de 2023.- EL TITULADO SUPERIOR DE GESTIÓN Y SERVICIOS COMUNES, Pedro Granda Rodríguez

R. 3281